



**Fasti Mariani**

**Brunner, Andreas**

**Antverpiæ, M.D.C XXX III.**

S. Walericvs Ab. 1. Aprilis.

---

[urn:nbn:de:hbz:466:1-70962](#)

A P R I L I S.

S.WALERICVS AB. i. Aprilis.

**I** Maginem Davidis in WALERICO agnosces: nam & hic puer pastoritiā exercuit, & oris testudine totum Psalteriū canere nullo didicit magistro, dignus & ipse, qui ē caulā in aulam, vel aulā dignius Cœnobium assumeretur, ubi nullam Saulis lanceam timeret. Tantum apud Deum potuit, ut plantaria colenti nulla unquam eruca sata & brassicas lēderet; neque vermiculos solum, sed aves etiam ita obsequentes habuit, ut ex manu ejus pranderēt cœnarentque. Rigente brumā ædes Sacerdotis foco fovendus subierat, quē aliis, quam vellet, calere ignibus sensit. Sacerdos enim & loci Præfектus unā tum fortè prandentes, Venerem prætextatis verbis nominare ausi, cor WALERICI dolore exussere. Abeunte Divo, mox Dei vindicta subiit: Sacerdos oculis caprus est, Præfektus lētā foedāq; morte contabuit, longas ambo linguae lascivæ poenas daturi. Eā sub arbore tumulari deniq; WALERICVS voluit, sub quā Deo supplicare vivus consuēsse, ratus benè ibi corpus quiescere, ubi benè vixisset. Et vero cubare se molliter manifeste ostendit; ne in Aram quidem à S. Bern. invitat<sup>2</sup> migrare sustinuit. Ex Sur.

S. FRAN-